

ҚОРАҚАЛПОҒИСТОН РЕСПУБЛИКАСИ  
ВАЗИРЛАР КЕНГАШИНИНГ РАЙСИ  
ҚАРАҚАЛПАҚСТАН РЕСПУБЛИКАСЫ  
МИНИСТРЛЕР КЕҢЕСИНИҢ БАСЛЫҒЫ

QADAGALAW

Н.Ерлепесовга

М.Жумановга

С.Турмановга

Р.Зарикеевга

Халқ таълими вазирлиги (Р.Реимов)га

Миллий гвардия ҚР бошқармасы (М.Юсупов)га

Мактабгача таълим вазирлиги

(Ж.Уснатдинова)га

Олий таълим муассасалари ректорларига  
(рўйхат бўйича)

Касбий таълимни ривожлантириш ва  
мувофиқлаштириш ҳудудий бошқармасы  
(Қ.Қанглибеков)га

Туризм ва спорт вазирлиги ҚР бош  
бошқармасига

Ахборот технологиялари ва  
коммуникацияларини ривожлантириш  
вазирлиги ҚР ҳудудий бошқармасы  
(Т.Баекеев)га

Молия вазирлиги (М.Содиқов)га

ҚҚ Касаба уюшмалари ташкилотлари  
бирлашмасы кенгаши (У.Жалменов)га

Маҳалла ва оилани қўллаб-қувватлаш  
вазирлиги (М.Ахмедова)га

Маданият вазирлиги (Қ.Турдиев)га

ҚР Ёзувчилар уюшмаси (К.Каримов)га  
Маънавият ва маърифат маркази  
(Т.Атамуратов)га  
Бандлик ва меҳнат муносабатлари вазирлиги  
(Ю.Алимов)га  
Адлия вазирлиги (С.Мамбеткадыров)га  
Соғлиқни сақлаш вазирлиги (М.Курбанов)га  
Шаҳар ва туманлар ҳокимликларига

Раҳбарлик ва ижро учун қабул қабул қилинсин.  
ЎзР Президенти Ш.М.Мирзиёев раҳбарлигида  
2021 йил 28 июль кuni кенгайтирилган тарзда  
ўтказилган видеоселектор йиғилиши 39-сонли баён  
қарори, шу жумладан 1; 5; 6; 9; 13; 14; 15; 16; 17; 20;  
25; 33; 34-бандлари ижросини таъминлаш юзасидан  
2 кун муддатда чора-тадбирлар режасини  
ишлаб чиқиб, тасдиқлашга тақдим этишингизни ва  
бажарилишини таъминлашингизни сўрайман.

Бажарувчи: Б.Аймбетов - йиғин  
К.Шамшетов  
Г.Бахиева  
О.Сапаров  
А.Оттепов  
У.Хасанов

№ 1/487

 К.САРИЕВ

05.08.2021й.



**Ўзбекистон Республикаси Президенти Ш.М.Мирзиёев раҳбарлигида  
2021 йил 28 июль куни кенгайтирилган тарзда ўтказилган  
видеоселектор йиғилишининг  
39 – сонли БАЁНИ**

**Раислик қилувчи:** Ш.М. Мирзиёев – Ўзбекистон Республикаси  
Президенти

**Иштирок этганлар:** Ўзбекистон Республикаси Олий Мажлиси Сенати  
Раиси, Қонунчилик палатаси Спикери, Ўзбекистон  
Республикаси Бош вазири, Ўзбекистон Республикаси  
Президенти Администрацияси раҳбари, Ўзбекистон  
Республикаси Президенти маслаҳатчилари ва уларнинг  
ўринбосарлари, Бош вазир ўринбосарлари, марказий  
идоралар, вазирликлар, идоралар ва тижорат банклари  
раҳбарлари, Қорақалпоғистон Республикаси Жўқорғи  
Кенгеси ва Вазирлар Кенгаши Раислари, вилоятлар ва  
Тошкент шаҳар ҳокимлари, Меҳрибонлик уйлари,  
Болалар шаҳарчалари ва Оилавий меҳрибонлик уйлари  
директорлари, олий таълим тизими ва муассасалари  
раҳбарлари (*руйхат бўйича*)

**КУН ТАРТИБИ:**

**Ногиронлиги бўлган, ота-она қарамоғидан маҳрум бўлган ҳамда  
етим болаларни давлат томонидан қўллаб-қувватлашнинг янги  
tizimini жорий этиш, шунингдек ижтимоий нафақаларни  
тақомиллаштириш чора-тадбирлари тўғрисида**

(Мирзиёев, Нарбаева, Саидов, Джураев, Шерматов, Турсунов, Эрмонов, Хидоятлов,  
Абдурахмонов, Зарипов, Мирзиёев)

Қайд этилсинки, республикада 13 та Болалар уйида 560 нафар,  
16 та Меҳрибонлик уйи ва 4 та Болалар шаҳарчасида 1,8 минг нафар,  
86 та махсус интернатда 21 минг нафар, фарзандликка олинган 33,6 минг  
нафар ҳомийлик ва васийликдаги болалар 40,2 минг нафар, оила патронати  
асосида 1 минг нафар болалар тарбияланмоқда.

Мазкур муассасалардаги таълим-тарбия тизimini янада  
ривожлантиришга қаратилган ишларнинг самарадорлигини таъминлаш  
мақсадида сўнги йилда 4 та Ўзбекистон Республикаси Президентининг  
фармон ва қарорлари, 2 та Вазирлар Маҳкамаси қарорлари қабул қилинган.

“Меҳрибонлик” уйлари босқичма-босқич кам комплектли болалар  
шаҳарчаларига ҳамда ижтимоий муассасаларнинг бошқа муқобил  
шаклларида ўтказилмоқда.

Самарқанд шаҳридаги 10-сонли ва Китоб туманидаги 3-сонли Меҳрибонлик уйлари макбуллаштирилди.

Натижада **287 нафар** ота-она қарамоғидан маҳрум бўлган болаларга оила муҳитига яқинлаштирилган шароит яратилди. Навоий вилояти Зарафшон шаҳридаги Меҳрибонлик уйи Томли болалар шаҳарчасига айлантирилди.

Хоразм вилоятида **38 нафар** етим ва ота-она қарамоғисиз қолган болалар учун янги Оилавий болалар уйи ташкил килинди ва уларнинг сони яна **4 тага** кўпайди.

Сўнгги икки йилда **447 нафар** болалар оилаларга қайтарилди.

Давлат томонидан ижтимоий ҳимояга муҳтож бўлган қатлам, ногиронлиги бўлган шахслар, жумладан етим болалар ва ота-она қарамоғидан маҳрум бўлган болаларга катта имтиёзлар яратилмоқда.

2020 йилда давлат таъминотида бўлган етим болаларнинг **141 нафари**, ногиронлиги бўлган болаларнинг **117 нафари** олий таълим муассасаларига ўқинишга кирди.

Лекин, ногиронлиги бўлган, ота-она қарамоғидан маҳрум бўлган ҳамда етим болаларни қўллаб-қувватлаш борасидаги ишлар натижадорлиги кўзланган даражада эмас.

Жумладан, сўнгги 10 йилда Меҳрибонлик уйлари ва Болалар шаҳарчаларидаги уй-жойга муҳтож **1 минг 188 нафар** битирувчиларнинг **610 нафари** (51 фоиз) уй-жой билан таъминланган.

Меҳрибонлик уйлари битирувчиларининг **1,6 минг нафари** (64 фоиз) иш билан таъминланган.

Шунингдек, ўтган йили ихтисослашган махсус мактаб-интернатларни битирган **1,5 мингдан** зиёд ногиронлиги бор ёшларнинг **264 нафари** ишга жойлаштирилган.

Меҳрибонлик уйларидаги таълим-тарбия ишлари ҳам қониқарсиз даражада ташкил этилган.

Туман ва шаҳар ҳокимлари ҳамда сектор раҳбарлари томонидан болаларни ҳомийлик, васийлик ва оила патронатига бериш ишлари эътибордан четда қолдирилган.

Кун тартибидаги масалалар бўйича берилган ҳисоботлар ва билдирилган таклифларни атрофлича муҳокама қилган ҳолда, йиғилиш қарор қилади:

1. Ўзбекистон Республикаси Президенти Администрацияси, Ҳукумати, барча даражадаги давлат ва ҳўжалик бошқаруви органлари, маҳаллий ҳокимликлар раҳбарларининг эътибори ота-она меҳридан маҳрум ва ногиронлиги бор болаларни қўллаб-қувватлаш, уларни жамиятнинг фаол аъзолари сифатида тарбиялашга қаратилсин.

Жойларда барча даражадаги раҳбарлар ва мутасаддиларга ҳеч бир бола давлатимиз ва жамиятимизнинг эътибори ва меҳридан четда қолмаслиги учун шахсан масъулиги кўрсатиб ўтилсин.

## 2. Белгилансинки:

а) Республикадаги 16 та Меҳрибонлик уйи, 4 та Болалар шаҳарчаси, 5 та Ойлавий болалар уйи, Сирдарё вилояти Бахт шаҳридаги республика ўғил болалар ўқув тарбия муассасаси ва Тошкент вилояти Чиноз туманидаги республика қиз болалар ўқув тарбия муассасаси Халқ таълими вазирлиги тизимидан чиқарилиб, идоравий бошқарув асосида Миллий гвардия тизимига ўтказилади.

Мазкур йўналишни тизимли бошқариш ва соҳада мутлақо янги тарбиявий муҳитни шакллантириш механизмини йўлга қўйиш мақсадида Миллий гвардия тизимида қўмондон ўринбосари лавозими ҳамда бошқарма ташкил этилади.

б) Фарзандликка олинган 33,6 минг нафар, ҳомийлик ва васийликдаги 40,2 минг нафар, оила патронатидаги 1 минг нафар болаларнинг ҳуқуқ ва қонуний манфаатларини таъминлаш мақсадида Вазирлар Маҳкамасининг ижро этувчи тузилмасида васийлик ва ҳомийлик органлари фаолиятини мувофиқлаштирувчи алоҳида тузилма ҳамда ҳар бир вилоят, туман (шаҳар) ҳокимликларида 4 нафар штат бирлигидан иборат **Васийлик ва ҳомийлик ишлари** бўлимлари ташкил этилади.

Бош вазир ўринбосарлари Ж.Қўнқоров, Б.Мусаев Халқ таълими вазирлиги (Шерматов), Миллий гвардия (Джураев), Молия вазирлиги (Ишметов) билан биргаликда ўн кун муддатда мазкур бандда кўзда тутилган тадбирлар бўйича Ўзбекистон Республикаси Президенти қарори лойиҳасини ишлаб чиқсин ва Президент Администрациясига киритсин.

## 3. Миллий гвардия (Джураев):

икки ҳафта муддатда ҳар бир Меҳрибонлик уйлари ва Болалар шаҳарчаларига шахсан ўзи борсин ҳамда уларга Миллий гвардиянинг ҳудудий бошқарма бошлиқларини, ҳар бир гуруҳга малакали офицер ва психологларни бириктирсин;

ҳар бир Меҳрибонлик уйлари ва Болалар шаҳарчаларига Миллий гвардия ходимларини директор ўринбосари сифатида бириктирсин;

болаларни ватанпарварлик руҳида тарбиялаш мақсадида уларни Миллий гвардиянинг ҳарбий қисм, полигон, "чавандозлар мактаби"га олиб чиқиб, от спорти ва спортнинг бошқа турларига ўргатишни ташкил этсин;

икки ой муддатда Меҳрибонлик уйлари ва Болалар шаҳарчалари раҳбар ва ходимларининг сифат таркибини кўриб чиқсин;

икки ой муддатда Тошкент шаҳар, Юнусобод тумани, 21-сон Меҳрибонлик уйида тарбияланувчилар билан олиб бориладиган ишларнинг намунавий тизимини ишлаб чиқиб, республикадаги Меҳрибонлик уйлари ва Болалар шаҳарчаларига бириктирилган Миллий гвардия ходимлари учун ўқув ташкиллаштирсин;



Ўзбекистон Республикаси Жамоат хавфсизлиги университетида (Рустамбаев) Меҳрибонлик уйлари ва Болалар шаҳарчалари фаолиятини тизимли ташкил этиш, кадрлар тайёрлаш ва малакасини ошириш, уларни методологик таъминлаш, халқаро тажрибани ўрганиш, етим ва ота-она қарамоғидан маҳрум бўлган болалар билан ишлашнинг илмий асосларини ишлаб чиқиш бўйича янги кафедра ташкил этилишини таъминласин;

**Васийлик ва ҳомийлик ишлари бўлимлари** Миллий гвардия томонидан ишлаб чиқилган Меҳрибонлик уйлари тарбияланувчилари билан ишлашнинг янги тизимини етим ва ота-она қарамоғидан маҳрум бўлган болаларни васийлик, ҳомийлик ва оила тарбиясига (патронат) олинган болалар билан ишлашга ҳам жорий этсин.

4. Миллий гвардия (Джураев), Мактабгача таълим вазирлиги (Шин), Халқ таълими вазирлиги (Шерматов), Олий ва ўрта махсус таълим вазирлиги (Тошқулов), Туризм ва спорт вазирлиги (Азамов), Ахборот технологиялари ва коммуникацияларини ривожлантириш вазирлиги (Садиков) билан биргаликда Меҳрибонлик уйлари ва Болалар шаҳарчаларидаги болаларга тарбия бериш, уларни фан, ахборот технологиялари, хорижий тиллар, касб-ҳунар ва тadbиркорликка ўқитиш, спорт билан шуғулланишларини ташкил этиш бўйича янги методикаларни ишлаб чиқсин.

**5. Меҳрибонлик уйлари ва Болалар шаҳарчаларига иловага мувофиқ 2 тадан олий таълим муассасалари бириктирилсин.**

Бунда, Олий ва ўрта махсус таълим вазирлиги (Тошқулов) ва бириктирилган олий таълим муассасалари раҳбарлари тарбияланувчиларнинг тенг тақсимлаган ҳолда, қуйида белгиланган вазифаларнинг ижросини таъминласин:

Меҳрибонлик уйларида тарбиячилар тайёрлаш, кутубхона фондиди бойитиш, болаларни ахборот технологиялари, хорижий тиллар, аниқ ва табиий фанларга ўргатиш ва уларнинг келгусида олийгоҳларга киришга қўмаклашиш муҳитини шакллантириш, театр ва концертлар ташкил этишга масъул этиб белгилансин;

абитуриентлар селекциясини шакллантириш мақсадида тарбияланувчиларнинг қизиқишидан келиб чиқиб, олий таълим муассасаларининг етакчи профессор-ўқитувчилари ҳафтада камида икки маротаба ушбу тўғаракларни ташкил этсин ва бунинг учун уларга алоҳида устама ҳақ тўланиши йўлга қўйилсин;

олий таълим муассасалари Меҳрибонлик уйи тарбияланувчиларига битирувчи курс аълочи талабаларини бириктирсин ва уларга мотивация бериб бориш амалиётини йўлга қўйсин;

**15 кун муддатда** Меҳрибонлик уйларида 2021-2022 йилларда амалга ошириладиган тadbирларни назарда тутувчи "Йўл харитаси"ни ишлаб чиқсин ва тасдиқласин;

ушбу мақсадларда олий таълим муассасаларининг бюджетдан ташқари маблағларининг 5 фоизигача бўлган миқдорини сарфлашга рухсат берилсин.

6. Қорақалпоғистон Республикаси Вазирлар Кенгаши, Тошкент шаҳар, вилоятлар, туман (шаҳар)лар ҳокимликлари таркибида **Васийлик ва ҳомийлик ишлари** бўлинмаларини ташкил этиш вилоят халқ таълими бошқармаси, вилоят ҳокимлигидаги вояга етмаганлар ишлари бўйича масъул котиб, Маҳалла ва оилани қўллаб-қувватлаш вилоят бошқармаси ва вилоят Адлия бошқармаси ҳамда тегишли равишда уларнинг туман(шаҳар) бўлимларидан бир нафардан штат бирликларини мақбуллаштириш ҳисобига шакллантирилиши белгилаб қўйилсин.

7. Вазирлар Маҳкамасининг **васийлик ва ҳомийлик органлари фаолиятини мувофиқлаштирувчи** алоҳида тузилмасининг ҳамда вилоят, туман (шаҳар)лар ҳокимликларининг **Васийлик ва ҳомийлик ишлари бўлимларининг** асосий вазифалари этиб қуйидагилар белгилансин:

етим ва ота-она қарамоғидан маҳрум бўлган болаларнинг ҳуқуқлари, эркинликлари ва қонуний манфаатларини ҳимоя қилиш;

етим ва ота-она қарамоғидан маҳрум бўлган болаларнинг ўз вақтида аниқланиши, ҳисобга олиниши ва жойлаштирилишини таъминлаш;

васийлик ва ҳомийлик тўғрисидаги қонун ҳужжатлари ижроси таъминланиши устидан мониторинг олиб бориш.

8. Туризм ва спорт вазирлиги (Азамов) **бир ҳафта муддатда** Меҳрибонлик уйлари ва Болалар шаҳарчаларига иккитадан спорт мактабларини бириктирсин.

Миллий гвардия (Джураев) ва спорт федерациялари билан биргаликда **икки ҳафта муддатда** Меҳрибонлик уйлари тарбияланувчилари учун якка кураш, футбол, сузиш, теннис, шахмат каби спорт тўғарақларини ташкил этсин.

9. Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари:

**бир ой муддатда** Меҳрибонлик уйларидаги болаларнинг спорт билан шуғулланишлари учун барча шароитларни яратиб бериш, зарур спорт анжомлари билан таъминлашга шахсан масъул этиб белгилансин;

Меҳрибонлик уйлари, Болалар шаҳарчалари ва Оилавий болалар уйлари тарбияланувчиларини ҳамда васийлик ва ҳомийлик ёки оилага тарбияга (патронат) олинган болаларни 14 ёшдан бошлаб касбга қизиқишларини уйғотиш мақсадида ҳудуддаги йирик тармок корхоналари ва кластерларда таништирув ва амалий тренингларни тизимли равишда ташкил этсин ва кейинчалик уларни ушбу корхоналарга ишга жойлаштириш чораларини кўрсин.



Миллий гвардия, мактабгача таълим, халқ таълими, маҳалла идоралари ва секторлар раҳбарларидан иборат Ишчи гуруҳи тузилсин ва ишчи гуруҳ томонидан васийлик, ҳомийлик ва патронатга олинган болалар аҳволи, уларнинг оилавий шароитидан ҳафталик хабар оладиган тизим яратилсин.

10. Молия вазирлиги (Ишметов) ҳар бир Меҳрибонлик уйи, Болалар шаҳарчалари ва Оилавий болалар уйларига ўз тизимидаги иккитадан масъул мутахассисни доимий бириктирсин, ўз вақтида молиялаштириш ва ажратилган маблағларни самарали ишлатилишини таъминлаш учун жавобгарлиги белгилансин.

11. Олий Мажлис Сенати (Нарбаева), Маҳалла ва оилани қўллаб-қувватлаш вазирлиги (Маъруфова), Миллий гвардия (Джураев), Қасаба уюшмалари Федерацияси (Рафиков) бир ой муддатда Меҳрибонлик уйлари, Болалар шаҳарчалари ва Оилавий болалар уйларида тарбияланаётган ҳамда васийлик ва ҳомийлик ёки оилага тарбияга (патронат) олинган 3 ёшдан 18 ёшгача бўлган болаларнинг таълим-тарбияси, касби ва келажакдаги ўрнини эгаллашни назарда tutувчи дастурий тизимни ишлаб чиқсин ва Ўзбекистон Республикаси Президенти Администрациясига киритсин.

12. Маҳалла ва оилани қўллаб-қувватлаш вазирлиги (Мамамов, Маъруфова):

Меҳрибонлик уйлари, Болалар шаҳарчалари ва Оилавий болалар уйларида тарбия олаётган қизларнинг таълим-тарбияси, уларни балогатга, турмушга тайёрлаш ишларига масъул этиб белгилансин;

қизларнинг барчасини "Аёллар дафтари"га киритиб, уларни қийнаётган масалаларни жойида ҳал қилишга ҳамда Меҳрибонлик уйлари, Болалар шаҳарчалари ва Оилавий болалар уйларида қийинчи ҳаётидаги ўз ўрнини топишга ҳар томонлама қўмаклашсин.

13. Туризм ва спорт вазирлиги (Азамов), Миллий гвардия (Джураев) Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари билан биргаликда бир ҳафта муддатда ҳар йили ёз ва қиш мавсумларида Меҳрибонлик уйлари, Болалар шаҳарчалари ва Оилавий болалар уйлари тарбияланувчилари ҳамда васийлик, ҳомийлик ва патронатда бўлган болалар учун Бухоро, Самарканд, Хива, Шаҳрисабз, Қўқон, Термиз каби қадимий шаҳарларга ҳамда Тошкент шаҳрига 2-3 кунлик саёҳат дастурини тасдиқласин ва ижрога йўналтирсин.

Бунда, Дастур доирасида тарбияланувчилар учун қадимий шаҳарлар тарихи юзасидан саёҳатдан олдин ўқувлар ташкил этилсин.

14. Маданият вазирлиги (Назарбеков), Ёзувчилар уюшмаси (Сайидов), Республика маънавият ва маърифат маркази (Хожиматов) икки ҳафта муддатда:

Меҳрибонлик уйлари, Болалар шаҳарчалари ва Оилавий болалар уйларида маънавий-маърифий тадбирлар, мушоира ва учрашувлар ташкил этиш;

оммавий ахборот воситалари оркали кенг оммага Оила — муқаддас қадрият, ота-онанинг фарзанд тарбиясидаги роли, фарзанд тарбиясида оталарнинг масъулияти каби мавзуларда туркум кўрсатув ва чиқишларни назарда тутувчи чора-тадбирларни ишлаб чиқсин.

15. Миллий гвардия (Джураев), Ахборот технологиялари ва коммуникацияларини ривожлантириш вазирлиги (Садиков) Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда бир ой муддатда 14 ёшдан катта тарбияланувчиларни "Мудофаа вазирлиги тажрибаси" асосида талаб юқори касбларга ўргатишни йўлга қўйсин.

16. Бош вазир маслаҳатчиси О.Умаров, Ахборот технологиялари ва коммуникацияларини ривожлантириш вазирлиги (Садиков), Миллий гвардия (Джураев) Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари бир ой муддатда:

Меҳрибонлик уйи ва Болалар шаҳарчаларини камида 20 тадан, Оилавий болалар уйларини камида 2 тадан замонавий компьютер ва тезкор Интернет билан таъминласин;

Меҳрибонлик уйи ва Болалар шаҳарчаларини Тошкент шаҳридаги Инха университети, Ахборот технологиялари университети, IT марказ ва паркларга боғлаб, ўқув курсларини ташкил этсин;

икки ой муддатда етим ва ота-она қарамоғидан маҳрум бўлган, васийлик, ҳомийлик ва оилага тарбияга берилган (патронат) болалар маълумотлари бўйича электрон ахборот тизимни шакллантирсин.

17. Шароити оғир бўлган Меҳрибонлик уйлари ва Болалар шаҳарчаларини оталикқа-олин амалиёти жорий этилсин. Бунда,

Президент Администрацияси — Тошкент шаҳри Яшнабод тумани 30-сон Меҳрибонлик уйига;

Вазирлар Маҳкамаси — Тошкент шаҳри Юнусобод тумани 23-сон Меҳрибонлик уйига;

Давлат хавфсизлиги хизмати — Тошкент вилояти Бўка тумани 15-сон ҳамда Қорақалпоғистон Республикаси Хужайли тумани 1-сон Меҳрибонлик уйларига;

Бош прокуратура — Самарқанд вилояти Самарқанд шаҳри 1-сон Меҳрибонлик уйига;

Чегара қўшинлари — Сурхондарё вилояти Термиз шаҳри 12-сон Меҳрибонлик уйига;

Ички ишлар вазирлиги — Бухоро вилояти Бухоро шаҳри 32-сон Меҳрибонлик уйига;

Фавқулодда вазиятлар вазирлиги — Фарғона вилояти Марғилон шаҳри 1-сон Меҳрибонлик уйига;

Божхона қўмитаси — Фарғона вилояти Кўкон шаҳри 12-сон Меҳрибонлик уйига;

Мудофаа вазирлиги — Андижон шаҳридаги болалар шаҳарчасига масъул этиб белгилансин.

18. Ички ишлар вазирлиги (Бобожонов) Миллий гвардия (Джураев) билан биргаликда Сирдарё вилояти Бахт шаҳридаги республика ўғил болалар ва Тошкент вилояти Чиноз туманидаги республика қиз болалар ўқув тарбия муассасаларидаги болаларнинг тарбиясига алоҳида эътибор қаратсин.

19. Молия вазирлиги (Ишметов) Бандлик ва меҳнат муносабатлари вазирлиги (Хусанов) билан биргаликда икки ой муддатда ногиронлиги бўлган болаларни ўз қарамоғига олган oilаларга, уларни парварishi даврини меҳнат стажига қўшиб ҳисоблаш тартибини ишлаб чиқсин.

20. Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари икки ҳафта муддатда вилоят, туман ва шаҳар Кенгашларининг ташаббуси билан, етим ва ота-онаси қарамоғидан маҳрум бўлган болаларни васийлик ва ҳомийликка олаётган фуқароларга, бола 18 ёшга тулгунига қадар маҳаллий бюджетдан ҳар ойда 1,2 млн.сўм тўлаб бориш амалиётини жорий этсин.

21. Бош вазир ўринбосари Б.Мусаев, Олий ва ўрта махсус таълим вазирлиги (Тошқулов), Давлат тест маркази (Каримов) васийлик, ҳомийлик ва oilага тарбияга (натронат) олинган етим болаларни ҳам олий таълим муассасаларига киришида. Меҳрибонлик уйлари ва Болалар шаҳарчалари битирувчилари учун ажратилган квотадан фойдаланиш имкониятини яратсин.

22. Бош вазир ўринбосари Б.Мусаев, Бош вазир маслаҳатчиси О.Умаров, Ахборот технологиялари ва коммуникацияларини ривожлантириш вазирлиги (Садиков), Миллий гвардия (Джураев) уч ой муддатда бошқа ҳудудлардаги Меҳрибонлик уйлари, Болалар уйлари, Болалар шаҳарчалари ва Oilавий болалар уйлари тарбияланувчиларини тарбияга олишга руҳсат берадиган шаффоф электрон навбат тизимини йўлга қўйсин.

23. Олий Мажлиси Сенати (Нарбаева), Олий Мажлисининг Инсон ҳуқуқлари бўйича вакили (омбудсман) ўринбосари — Болалар омбудсмани (Юнусова), Миллий гвардия (Джураев), Молия вазирлиги (Ишметов) бир ой муддатда Oilавий болалар уйларини янада қўллаб-қувватлаш бўйича чоралар пакетини назарда тутувчи қарор лойиҳасини киритсин.

24. Молия вазирлиги (Ишметов), Халқ таълими вазирлиги (Шерматов), Маҳалла ва oilани қўллаб-қувватлаш вазирлиги (Маматов), Олий ва ўрта махсус таълим вазирлиги (Тошқулов), Ёшлар ишлари агентлиги (Саъдуллаев) икки ҳафта муддатда:

етим ёки ота-она қарамоғидан маҳрум бўлган болаларни уй-жой билан таъминлаш, академик билимларида юқори кўрсаткичларга эга иқтидорли талабалар стипендиясини 50 фоизга ошириш, зарур адабиётлар сотиб олиш учун ҳар йили бир марта 1,2 млн.сўм субсидия бериш тизимини жорий этсин.

Етим ёки ота-она қарамоғидан маҳрум бўлган болаларга уй-жой харид қилиш учун зарур бўладиган 120 млрд. сўмнинг ярми республика бюджетидан, ярми маҳаллий бюджетларнинг қўшимча манбалари ҳисобидан ажратилиши назарда тутилсин.

25. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари:

**жорий йил 1 октябрга қадар 757 нафар етим болаларни уй-жой билан таъминласин ҳамда уларга уй-жойларининг жиҳозланишига қўмаклашсин;**

**аввал уй-жой ажратилган деб кўрсатилган 610 нафар ёшлар билан ҳам бирма-бир учрашиб, қўшимча уй-жойга эҳтиёжини аниқлаб, уларга жорий йилда ижара тўловларини тўлиқ компенсация қилиб берсин.**

26. Вазирлар Маҳкамаси (Мусаев), Миллий гвардия (Джураев), Молия вазирлиги (Ишметов), Адлия вазирлиги (Давлетов) **икки ой муддатда етим ёки ота-она қарамоғидан маҳрум болаларни уй-жой билан таъминлаш тартибини қайта кўриб чиқиб, таклиф киритсин.**

27. Бош прокурор Н.Йўлдошев Бош прокурорнинг биринчи ўринбосари Б.Валиев бошчилигида ишчи гуруҳини тузиб, етим болаларни уй-жой билан таъминлаш жараёнини ўргансин ва шахсан ўз назоратига олсин.

28. Молия вазирлиги (Ишметов), Бандлик ва меҳнат муносабатлари вазирлиги (Хусанов), Олий ва ўрта махсус таълим вазирлиги (Тошқулов) **икки ой муддатда етим талабаларга пенсия тўлаш муддатини амалдаги 18 ёшдан 23 ёшгача узайтириш чораларини кўрсин.**

29. Тиббий-ижтимоий хизматларни ривожлантириш агентлиги (Инаков), Соғлиқни сақлаш вазирлиги (Хаджибаев), Молия вазирлиги (Ишметов) **бир ой муддатда ногиронлиги бўлган болаларни қўллаб-қувватлаш ва даволаш учун чоралар кўриш юзасидан қуйидагиларни назарда тутувчи қарор лойиҳасини киритсин:**

2 минг нафар бола учун замонавий эшитиш воситаларини харид қилиш, 615 нафар 5 ёшгача қар-соқов ва эшитиши заиф болаларга эшитишга қўмаклашувчи махсус имплантлар ўрнатиш ва жаррохлик амалиётидан олдинги ва кейинги реабилитация қилишни йўлга қўйиш;

туғма юрак нуқсони бор 2 минг нафар, бош миёда ўзгаришлари бор 1 минг нафар ҳамда ҳаракат аъзолари касалликлари бўйича 1,7 минг нафар болаларда беғул жаррохлик операциялари ўтказиш;

минг нафар ногирон болаларни протезлаш ва бошқа зарур ускуналар билан таъминлаш;

ҳаракатланиши чекланган ҳамда механик кресло-аравачаларни ўз кучи билан бошқариш имкони бўлмаган 1100 нафар, 2022-2027 йилларда яна 12 минг нафар болаларни электр кресло-аравачалар билан таъминлаш;

етим болалар учун хорижда ўтказиладиган мураккаб жаррохлик амалиётларини бюджетдан тўлиқ компенсация қилиш;

ушбу мақсадларга 2021 йилда бюджетдан қўшимча 100 млрд.сўм ажратишни таъминлаш.

30. Соғлиқни сақлаш вазирлиги (Хаджибаев), Молия вазирлиги (Ишметов) бир ой муддатда Болалар уйлари ходимларини қўллаб-қувватлаш мақсадида ушбу муассасалар педагогларини малакасини ошириш ва ходимларининг меҳнатига ҳақ тўлаш тизимини тубдан қайта кўриб чиқиб, тақлиф киритсин.

31. Иқтисодий тараққиёт ва камбағалликни қисқартириш вазирлиги (Норкулов) Олий ва ўрта махсус таълим вазирлиги (Тошқулов) билан биргаликда 2022-2023 ўқув йилидан бошлаб “Махсус педагогика” таълим йўналиши бўйича қабул квоталарини оширинг чораларини кўрсин.

Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги (Ходжаев) жорий йил якунига қадар Брайль ёзувидаги дарслик ва адабиётларни чоп этиш имкониятларини кенгайтириш чораларини кўрсин.

32. Ўзбекистон Республикаси Президенти Администрацияси (Тўйчиев), Халқ таълими вазирлиги (Шерматов), Соғлиқни сақлаш вазирлиги (Хаджибаев), Миллий гвардия (Джураев) икки ой муддатда имконияти чекланган болалар учун ташкил этилган 86 та махсус ҳамда 22 та сиҳатгоҳ шаклидаги мактаб, мактаб-интернатларни хатловдан ўтказиб, уларни идоравий мансублигини қайта кўриб чиқиб, тақлиф киритсин.

33. Бош вазир А.Арипов, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда бир ой муддатда ушбу ихтисослашган ва сиҳатгоҳ шаклидаги мактаб ва мактаб-интернатларга йирик корхоналар ва кластерларни бириктирсин ҳамда уларни ушбу мактаб ва мактаб-интернатлар шароитини яхшилашга масъул этиб белгиласин.

34. Олий Мажлис Қонунчилик палатаси (Исмоилов), Бош прокуратура (Йўлдошев), Олий Мажлисининг Инсон ҳуқуқлари бўйича вакили (омбудсман) ўринбосари – Болалар омбудсмани (Юнусова) вояга етмагандар билан ишлаш комиссиялари негизда Болалар масалалари бўйича Миллий комиссия ташкил этсин. Бола ҳуқуқлари бўйича вакил Миллий комиссиянинг раиси этиб белгилансин.

Бунда, Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари ҳудудий комиссиялар раҳбарлари ҳисобланади.


35. Олий Мажлиси Сенати (Нарбаева) ҳар чоракда Миллий комиссия ҳисоботини Сенатда, ҳудудий комиссиялар ҳисоботини маҳаллий Кенгашларда эшитиб бориш амалиётини йўлга қўйсин.

36. Бош вазир ўринбосарлари, маслаҳатчилари мазкур Баён бандларининг ижро ҳолатини тегишлилиги бўйича таҳлил қилиб бourses ҳамда юзага келган муаммоларни ҳал этишга қаратилган таъсирчан чораларни қўлласин.



37. Ушбу баён ижросини ўз вақтида ва тўлиқ бажарилишини таъминланишини назорат қилиш Ўзбекистон Республикаси Президенти маслаҳатчиси А.А. Абдувахитов ва Ўзбекистон Республикаси Бош вазирининг ижтимоий ривожлантириш масалалари бўйича ўринбосари Б.А. Мусаев зиммасига юклатилсин.

Ўзбекистон Республикасининг  
Бош вазир



А. Арипов

2021 йил " 2 " август

Ўзбекистон Республикаси  
Президенти  
Администрацияси раҳбари



З. Низомиддинов

2021 йил " 2 " август



**Меҳрибонлик уйлари ва болалар шаҳарчаларини  
олийгоҳларга бириктирилиши**

T/p	Меҳрибонлик уйи ва болалар шаҳарчаси номи	Бириктириладиган олийгоҳ номи
1	Хўжайли туман 1-сон меҳрибонлик уйи	Қорақалпоқ давлат университети, Нукус давлат педагогика институти
2	Андижон шаҳар болалар шаҳарчаси	Андижон давлат университети, Андижон машинасозлик институти
3	Бухоро шаҳар 32-сон меҳрибонлик уйи	Бухоро давлат университети, Бухоро муҳандислик-технология институти
4	Жиззах шаҳар 29-сон меҳрибонлик уйи	Жиззах давлат педагогика институти, Жиззах политехника институти
5	Қамашли туман 4-сон меҳрибонлик уйи	Қарши давлат университети, Қарши муҳандислик-иқтисодиёт институти
6	Навоий шаҳар меҳрибонлик уйи	Навоий давлат педагогика институти
7	Томди тумани болалар шаҳарчаси	Навоий давлат кончилик институти
8	Наманган шаҳар 26-сон меҳрибонлик уйи	Наманган давлат университети, Наманган муҳандислик-технология институти
9	Самарқанд шаҳар 1-сон меҳрибонлик уйи	Самарқанд давлат университети, Самарқанд давлат чет тиллар институти
10	Гулистон шаҳар болалар шаҳарчаси	Гулистон давлат университети, Тошкент кимё-технология институти Янгиер филиали
11	Термиз шаҳар 12-сон меҳрибонлик уйи	Термиз давлат университети, Тошкент давлат техника университети Термиз филиали
12	Чирчиқ шаҳар 14-сон меҳрибонлик уйи	Чирчиқ давлат педагогика институти, Жисмоний тарбия ва спорт университети
13	Бўка тумани 15-сон меҳрибонлик уйи	Тошкент давлат техника университети Олмалик филиали
14	Марғилон шаҳар 1-сон меҳрибонлик уйи	Фарғона давлат университети, Фарғона политехника институти

Т/р	Меҳрибонлик уйи ва болалар шаҳарчаси номи	Бириктириладиган олийгоҳ номи
15	Қўқон шаҳар 12-сон меҳрибонлик уйи	Қўқон давлат педагогик институти, Тошкент давлат техника университети Қўқон филиали
16	Хива тумани болалар шаҳарчаси	Урганч давлат университети Тошкент ахборот технологиялари университети Урганч филиали
17	Юнусобод тумани 21-сон меҳрибонлик уйи	Тошкент ахборот технологиялари университети, Тошкент давлат молия институти
18	Чилонзор тумани 22-сон меҳрибонлик уйи	Тошкент педагогика университети, Ўзбекистон давлат жаҳон тиллари университети
19	Юнусобод тумани 23-сон меҳрибонлик уйи	Ўзбекистон Миллий университети, Тошкент давлат аграр университети
20	Яшнабод тумани 30-сон меҳрибонлик уйи	Тошкент шарқшунослик университети, Тошкент давлат транспорт университети